

Kreis
Einfurt

J 250

1174.

Bischof Hermann II. von Münster überträgt dem Kloster Bietmarjchen ein ihm reſigniertes Lehen in Nordlohne und Mittellohne, Kſpf. Schepſdorf, Kr. Lingen.

In nomine sancte et individue Trinitatis: Patris et Filii et Spiritus Sancti. Quia de variis hominum disceptationibus graves persepe nasci videmus questiones, in quibus, dum sententiarum ventilatur varietas, manifeste veritatis candor denigratur et falsitatis turpitudini fucati decoris pulcritudo inducitur, proinde et mater nostra sancta Dei ecclesia, dum a multis sibi malignantibus laceratur, perpetuam nuditatem consequitur. Adeo enim humane perversitatis latius iam evagatur spaciis malignitas, ut nonnulli hominum vim iusticie preferentes aliena sibi quocumque modo usurpent: tanta utique mentes ipsorum inexplete cupiditatis involvit cecitas. Qua consideratione ego Herimannus, Dei gratia Monasteriensis ecclesie humilis minister et indignus, beneficium Walthardi de Gethinedorpe in Nortlon et Methelon situm, quod in manum nostram libere reddidit, ecclesie, que dicitur Novale sancte Marie, id est Sanctemarienroth, libera tradicionem contulimus eo utique iure, ut si forte conventus idem in alium locum translatus fuerit, eadem bona eidem conventui non minus adtineant. Quod ut inconvulsum de cetero permaneat, sigilli nostri impressione roboravimus. Si vero aliquis id infringere conatus fuerit et perseveraverit, inperpetuum anathema sit. Facta sunt hec anno dominice incarnationis M^oc^olxx^oim^o, indictione VII^a, regnante gloriosissimo Romanorum imperatore Friderico. Cuius rei testes sunt: Bernhardus prepositus, Engelbertus decanus, Franco vicedominus, Bernhardus canonicus, Engelbertus canonicus, Herimannus canonicus; laici Rudolfus de Steinvurte, Cunradus de Wetheringen, Lupertus de Beveren, Albertus Dapifer, Lupertus de Tuschusen, Elvericus de Buren.

Orig. Siegel ab. IX. Rep. I. 26.

[5
250